

# Houmano

Ourige: Biquipédia, la anciclopédia lhibre.


L **ser houmano** puode ser defenido an tenermos biológicos, sociales i cuncência. Biologicamente, ls **houmanos** son claseficados cumo la spece ***Homo sapiens*** (latin para **home sábio**, **home racional**), un pirmata bípede de la superfamília Hominoidea tamien cun outros símios: chimpanzés, bonobos, gorilas, ourangotangos i gibones, para alhá de outras speses atualmente zaparecidas. L *Homo sapiens* tamien pertence a la família hominidae, família que tamien pertence l chimpanzé i outros.

Ls houmanos adotan ua postura eireta que dá la libartaçon de l nembros anteriores para la manipulaçon de objetos, ténen un cérebro bien zambolbido que les dá las capacidades de raciocínio abstrato, lenguage i antrospeçon.

La mente houmana ten bários atributos çtintos. Ye responsable pula complexidade de l cumportamiento houmano, specialmente la lenguage. La curjidade i la ouserbaçon científica lebórun al aparecimiento dua bariadade de splicações pa la cuncência i la relaçon antre l cuorpo i la miente. La Psicologie (percipalmente la Neuropsicologie) tenta studar estas manifestações i relações zde l punto de bista científico. Las perspetibas religiosas giralmente dan amportança la eisistência dua alma cumo sendo la eissência de l ser, normalmente ligada a la crença i adoraçon de Dius, diuses ó spritos. La Filosofie tenta studar las perfundezas de cada ua destas perspetibas. La Arte, la Música i la Literatura son muitas bezes ousadas cumo forma de spresson deste cunceitos i sentimientos.

L ser houmano ye ua spece eiminentemente social. Crian struturas sociales complexas, cumpuostas de muitos grupos coperantes i cumpetidores. Estas struturas barían zde las naciones até al nible de la família, zde la quemunidade até al you. La tentatiba de antencer i mudar l mundo al sou redror, possibilitou als houmanos zambolbir tecnologie i ciência cumo un porjeto quemun i nun andebidual. Estas anstituições lebórun al aparecimiento de artefatos cumpartidos, crenças, mitos, rituales, balores i normas sociales que, ne l cunjunto, forman ua cultura de grupo.

## Ser houmano



## Stado de cunserbaçon



Pouco preocupante

## Classeficação científica

Reino:	<u>Animalia</u>
Filo:	<u>Chordata</u>
Subfilo:	<u>Bertebrata</u>
Classe:	<u>Mammalia</u>
Orde:	<u>Primates</u>
Família:	<u>Hominidae</u>
Subfamília:	<u>Homininae</u>
Género:	<u>Homo</u>
Spece:	<b><i>H. sapiens</i></b>

## Nome binomial

***Homo sapiens***

Lineu, 1758

## Tabela de cuntenido

### Treminologie

### Biologie

Anatomie i Fisiologie

## Tremnologie



Mulhier inuit (1907)

Ne l giral, la palabra *personas* ye outelizada quando se quier falar dun grupo específico de andebíduos. Inda assi, quando se quier falar dun grupo que ten parecenças étnica, cultural ó de nacionalidade, outeliza-se l termo *pobo* (eisemplos: *pobo índio*, *pobo falante de pertués*).


L macho jubenil desta spece ye chamado rapaç. A la fémea jubenil dá-se l nome de rapaza. L termo **Home** ye giralmente outelizado para referir l cunjunto de todos ls sers houmanos (an cuntraste cun *home*, l macho de la spece), tal cumo l termo *houmanidade*, *raça houmana* ó *género houmano*. L termo *houmano* ye outelizado cumo sinónimo de ser houmano. Cumo adjetibo, l termo *houmano*, ten segneficado neutro, mas poderá ser outelizado para chamar la atençon de ls aspetos positibos de la natureza houmana i ser sinónimo de beneboléncia (an cuntraposiçon cul termo zumano).

A las bezes, an Filosofie, ye mantenida ua çtinçon antre las noções de *ser houmano* (ó *Home*) i de *persona*. L purmeiro trata la spece biológica anquanto que l segundo trata un agente racional (ber, por eisemplo, la obra de John Locke, *Ansaio subre l Antendimiento Houmano* II 27, i la obra de Emmanuel Kant, *Antroduçon a la Metafísica de la Moral*). Segundo la perspetiba de John Locke, la noçon de *persona* passa a ser la dua coleçon de açones i ouperaçones mentales. L termo *persona* poderá assi ser outelizado para falar de animais para para alhá de l Home, para falar de seres míticos, ua anteligéncia artificial ó un ser straterrestre. Ua amportante queston an Teologie i na Filosofie de la religion concerne an saber se Dius ye ua *persona*.

An latin, *houmanus* ye la forma adjetibal de l nome *homo*, traduzido cumo Home (para ancluir machos i fémeas).

## Biologie

### Anatomie i Fisiologie

 Ber artigo percipal: Cuorpo houmano

L ser houmano apersenta locomoçon bípede cumpleta. Este fato premite la outelizaçon de ls nembros anteriores para la manipulaçon de oubjetos.

Ls houmanos barían an relaçon la altura i peso médio, cunsante la localizaçon i aspetos stóricos. Inda que l peso séia mui anfluénciado puls genes, ye tamien, mui anfluenciado pula dieta i eisercício.

An cumparaçon cula piel d'outros primatas, la piel houmana ten menor pelaige. La quelor de l pelo i de la piel ye anfluénciada pula persença de pigmentos, chamados melaninas. La maiorie de ls outores acradita que l scurecimiento de la piel fui ua adataçon que eiboluiu cumo ua defesa cuntra la radiaçon solar ultravioleta (UV); la melanina ye ua sustância eifícaç cuntra esta radiaçon. La quelor de la piel, an houmanos atuales,

puode bariar zde l castanho scuro até al rosa pálido. La çtrebuiçon geográfica de la quelor de la piel relaciona culs nibles ambientais de centeilhas UV. La quelor de l pelo i de la piel houmana ye cuntrolada, an parte, pul gene MC1R. Por eisemplo, l pelo ruibo i piel pàlida de alguns ouuropeus ye l resultado de mutaçones ne l gene MC1R. La piel houmana ten la capacidade de scurecer (bronzear) an repuosta a la sposiçon la centeilhas UV. La bariaçon na capacidade de bronzear tamien ye mui cuntrolado pul gene MC1R.



Anatomie humaine, Musée Condé, Chantilly

Porque ls houmanos son bípedes, la region pélica i la coluna bertebral ténden a sofrer zgaste, criando deficuldades locomotoras an andebíduos más bielhos.

La necidade andebidua dua regular admenistraçon de comida i bubida ye bien amostrada na cultura houmana. La falha na oubtençon de quemido lieba al stado de fame i eibeventualmente al de einaniçon, anquanto que la falha na oubtençon de bubida lieba a la zeidrataçon i al stado de sede. Tanto la einaniçon cumo la zeidrataçon poderán liebar a la muorte, se nun fúren cumbatidas: l ser houmano puode subrebibir para alhá de dous meses sin comida, mas solamente cerca de três dies sin bubida (se nun tubir acesso a quemido que heidrate).



Eilustraçon antiga representando un scalete houmano

L tiempo médio de suonho que l home percisa ye de antre siete i uito horas por die, para un adulto, i de nuobe la dieç horas por die nun nino. Andebíduos más bielhos normalmente ténen suonhos de seis la siete horas i ls recién-nacidos puoden percisar de 18 a 20 horas diárias de suonho. Ye quemun, nas sociedades modernas, las personas drumiren menos que l neçairo. (Ber pribaçon de l suonho.)

L cuorpo houmano stá sujeito a la malinas i al porcesso de ambelhecimento. La Medecina ye la ciência que splora métodos para perserbar la salude houmana.

## Aparecimento de la spece

D'acordo culas teories más quemumente aceites antre ls antropólogos atuales, l *Homo sapiens* tubo ourige nas sabanas de África antre 130.000 a 200.000 anhos atrás<sup>[1]</sup>, çcendendo de l *Homo eretus*, i tenerá colonizado la Eurásia i la Ouceanie hai 40.000, colonizando las Américas solo hai 10.000 anhos<sup>[2]</sup>.

Tenendo an cunta que eisiste bida na Tierra hai más de 3,5 bilhones ( $10^9$ ) d'anhos, puode-se dezir que esta spece ye mui recente. Para ua abaluaçon más clara, poderie fazer-se l seguinte paralelo: Se eisistisse bida hai 10 dies, l home tenerie aparecido ne l redadeiro minuto na África, hai un segundo na Eurásia i Ouceania, i solo hai 1/4 de segundo nas Américas.

L *Homo sapiens* acupou l lugar de l *Homo neanderthalensis*, de l *Homo floresiensis* i de outras speces çcendentes de l *Homo eretus* (que colonizou la Eurasie hai yá 2 milhones de anhos) por bias de la maior capacidade de reproduçon i maior cumpetitibidade puls recursos naturales.

La ourige de l *Homo sapienes*, cumo an todas las speces animales, ancontra-se hoije an die splicada pula teorie de la eiboluçon de las speces, baseada ne ls trabalhos de Charles Darwin i mui suportada por fatos científicos.

Nun cuntesto religioso, la ourige de l Home ye splicada cun frequéncia cun algua forma de anterbençon debina, baseada solamente na fé de l crentes. De antre estas corrientes, çtácan-se, ne l Mundo Oucidental, l Criacionismo, an sue forma más tradecional, i l Zeinho Anteligente.

## Refréncias

---

1. Houman Ancestors Preça de casa: *Homo Sapienes* (<http://www.mnh.si.edu/anthro/houmanorigines/ha/sap.htm>) - URL cunsultado la 1 de Febreiro de 2007
2. Templeton, Alan (2002). "Out of Africa again and again" ([http://cogweb.ucla.edu/ep/Templeton\\_02.html](http://cogweb.ucla.edu/ep/Templeton_02.html)) *Nature* 416: 45 - 51.

## Ber tamien

---

- Pré-Stória
- Paleolítico
- Neolítico
- Antropologie
- Arqueologie

Modelo:Eiboluçon Houmana


---

Sacado an "<https://mwl.wikipedia.org/w/index.php?title=Houmano&oldid=94641>"

---

**Esta páigina fui eitada pula redadeira beç a la(s) 06h19min de 28 de dezembro de 2018.**

Este testo ye çponeblizado ne ls termos de la lhicença Creative Commons - Atribuiçon - Cumpartir Eigual 3.0 Nun Adaptada (CC BY-SA 3.0); puode star sujeito a cundiçones adecionales. Cunsulta las cundiçones de outelizaçon pa mais detalhes.



Mapa de las purmeiras migraçones houmanas, de acordo cun análezes afatuadas al DNA mitocondrial (ounidades: milénios até al persente).

La perspetiba deste planisfério centra-se ne l pólo norte, para facelitar la cumprenson de las rotas de las migraçones.